

6 節用箴

清陸隴其

人生天地間，富貴誰不欲，己力不營運，
 日用安能足。成立最艱難，破蕩極迅速，
 貧窮因懶惰，借貸遭恥辱。儉用勝求人，
 奢侈莫隨俗，男若勤耕種，飢不愁菽粟。
 女若攻紡織，寒不慮衣服，勿謂長少年，
 光陰如轉轂。男長婚事逼，女大嫁亦促，

雙親老將至，百費相繼續。
 臨期欲副用，間時須積蓄。
 努力奮經營，慎勿憚勞碌。

7 詠史

唐李商隱

歷覽前賢國與家，成由勤儉破由奢。
 何須琥珀方爲枕，豈必珍珠始是車。
 運去不逢青海馬，力窮難拔蜀山蛇。

幾人曾預南薰曲，終古蒼梧哭翠華。

8 示兒孫

宋陸游

人生讀書本餘事，惟要閉門修孝弟，
畜豚種菜養父兄，此風乃可傳百世，
我聞長安官道旁，至今人指魏公莊，
北方俗厚終可意，一字不識勤耕桑。

9 詠牡丹

宋王溥

棗花最小能成實，桑葉雖柔解作絲，
堪笑牡丹如斗大，不成一事又空枝。

薄飲食詩

二首

10 其一

江右梅

葱湯麥飯煖丹田，麥飯葱湯也可憐，